

地  
160.229  
39  
2

# 太平縣志

輿地志卷一

星野附氣候

疆域

水利

物產

建置志卷二

城池

倉儲

街巷

里甲

沿革附表

山川

形勢

公署

坊表

都邑

村堡  
津梁市集  
風俗附

冊

太平縣志卷一

輿地志

星野 氣候附

沿革 表附

疆域

山川

水利

形勢

物產

周官大司徒以天下土地之圖周知九州地域廣輪之數今之郡縣跡古封建其為畫疆而理一也太平地本唐封實維大夏堯都近壤晉國遺墟姑射汾水環繞左右其間岡巒起伏川原夷曠物類繁滋民生攸賴登高而賦慨然見

聖天子因利而利之意焉作輿地志

太平縣志

卷一 輿地



星野

分野之說疑者頗多唐僧一行謂星之與土以氣相屬而不繫於方隅說較近理或謂上天一度下應地二百五十里有奇又未免涉於臆度夫觜參為晉星太平古晉地稍古繪圖取其可徵者而已

周禮春官保章氏以星土辨九州之地所封封域皆有分星以觀妖祥鄭司農註實沈晉也

左傳鄭公孫僑對叔向曰遷實沈於大夏主參唐人是因以服事夏商及武王滅唐而封太叔焉故參為晉星

太平縣志

卷一

輿地

二

國語董因對晉文公曰實沈之虛晉人是居所以興也

史記天官書觜觿參益州

按益州即冀州言其地險阨也或以為西蜀益州誤

後漢地理志註實沈之次於辰在申謂之涖灘於律為仲呂斗建

在巳今晉魏分野

淮南子註觜觿實沈晉之分野

晉書天文志實沈於辰在申魏之分野

唐書天文志觜觿參伐實沈也得漢之河東古晉魏地

李淳風法象志觜觿參伐皆值天關表而在河陰故實沈下流得

大梁距河稍遠涉陰亦深

洛書甄耀度西方白虎而觜參爲虎首故有觜之義

宋史天文志天市垣東蕃第七星曰魏西蕃第九星曰晉

地理志河東當觜參之分

明一統志冀州之域天文觜參分野列郡分野平陽府古冀州觜

參分野

大清一統志天文觜參分野實沈之次

太平縣志 卷一 輿地

觜宿圖

座旗



觜



司怪



丹元子步天歌三星相近作參樂觜上坐旗直指天尊卑之位九相連司怪曲立坐旗邊四鴉大近井鉞前


宋兩朝天文志觜三星距西南星去極八十二度半 坐旗九星距南星去極六十一度半入參宿八度 司怪四星距西星去極七十一度入參宿六度半

宋志觜觶漢永元銅儀唐開元遊儀皆以觜觶爲三度舊去極八十四度景祐測驗觜宿三星一度距西南星去極八十四度在赤道內七度

觜二度在參之右角如鼎足形主天之關明大則天下安五穀熟

隋志曰觜觶爲三軍之後行軍之藏府主葆旅收斂萬物明則軍儲盈將得勝動而明葆旅起張衡曰葆旅野生之可食者坐旗九星在司怪西北主別君臣尊卑之位明則國有禮司怪四星在井鉞前候天地日月星辰禽獸蟲蛇草木之變與天高占

同  
天高  
星名



丹元子步天歌總有七星觜相侵兩肩雙足三爲心伐有三星足  
 裏深玉井四星右足陰屏星兩扇井南襟軍井四星屏上吟左  
 足下四天廁臨廁下一物天屎沈

宋兩朝天文志參十里距中星西第一星去極九十二度半 玉  
 井四星距西北星去極九十八度少入畢宿十一度半 天屏  
 二星距南星去極一百一十五度入畢宿十三度半 軍井四  
 星距西南星去極一百五度半入畢宿十四度 天廁四星距  
 西北星去極一百一十八度半入參宿二度 屎一星去極一  
 百一十五度入參宿三度半

宋志參宿漢永元銅儀參八度舊去極九十四度景祐測驗參宿  
十星十度右足入畢十三度

參十度上爲日月五星中道甘氏曰參爲忠良孝謹之子明大則  
臣忠子孝一曰參伐一曰大辰一曰天市一曰鈇鉞又爲天獄  
又主權衡所以平理也又主邊城爲九譯故不欲其動也參白  
虎之體其中三星橫列三將也東北曰左肩主左將西北曰右  
肩主右將東南曰左足主後將軍西南曰右足主偏將軍故黃  
帝占參應七將中央三小星曰伐天之都尉也又曰七將皆明  
天下兵精也玉井四星在參星西右足下水象也屏二星在玉  
井南屏爲屏風玉井東下四星曰軍井行軍之井也軍井未達  
將不言渴名取此也又曰主軍營之事天厠四星在屏東潤也  
天屎一星在厠南色黃則吉

按通志府志及本縣舊志援引天文諸說詳矣而實沈之虛  
晉人是居董因之說確不可易太平居平陽一偏平陽居晉  
一偏其爲背參分野可知至欲考其度數詳其占驗推察於  
分杪之間未免穿鑿昔堯稽鳥火虛昴其要在於授人時舜  
察璿璣玉衡其要在於齊七政守土者宜慎德修省觀星象  
而知警惕以仰體

聖天子敬天勤民之至意又何必瑣求於視聽之所不及也第舊志星象圖考俱參前黻後伏讀乾隆十九年

御定厯象考成黻在參上參在黻下凡黻以上之星序入黻內凡參以下之星序入參內是黻宜在參前舊志實誤今正之



夏小正禮月令皆言氣候之書也太平地處一隅氣候當與他邑

無殊然卽一邑論之已有早晚不同者汾陰山以南各村較縣東

西各村早暖一二日縣東西各村較縣北各村又早暖一二日卽收

麥收秋前後時可見正月始和連日晴煦則卜年穀順成二月爲中和節漸

有暖意然寒猶未減俗云一冷一熱過了寒節三月惠風和暢清明前後最喜

雨麥於是發生高粱亦由是可種俗云雨撻墳頭錢一年好種田四月天氣晴暖

早秋佈種或遇陰寒則麥有黃疸黑疸之害俗云黃疸收一蓋麥半黑疸全不見

所忌者正月雪二月暖三月風四月寒也五月天始熱晚秋佈種

太平縣志

卷一

輿地

農家收麥登場芒種則大麥熟夏至則小麥全收不喜雨六月天

氣炎熱秋苗發生農家望雨甚急俗云有錢難買五月旱六月連雨喫飽飯七月初暑

氣猶烈俗云秋後一伏熱死老牛農家中伏種蘿蔔未伏則種蔓菁菜焉八月

秋風薦爽農登黍穀白露前後種麥俗云七月白露過白露八月白露齊白露九月霜

始降木葉漸脫農家登菽登菜俗云過了九月九醫生閒著手喫了蔓菁飯要病那裡有重陽

節多雨舊傳夏至酉逢三伏熱重陽戌遇一冬乾其言頗驗俗訛西逢

爲有風戊十月漸寒立冬日始見冰木葉不凋止有松栢十一月

十二月寒殊甚冰壯地凍家熾獸炭貧者晴簷負暖近年亦未甚

栗烈或有盈尺雪年終未能消盡農家喜爲豐年兆焉

按氣候一節舊志全畧記曰凡居民材必因天地寒暖燥濕  
修其教不易其俗齊其政不易其宜是氣候所關亦宰治臨  
民者宜急講也茲特按月登記并取證於俗語或以當方言  
一則云

太平縣志

卷一

輿地

九

一則云

凡者宜急講也茲特按月登記并取證於俗語或以當方言  
一則云

沿革

秦平之名昉於元魏以太易泰起於後周唐貞觀七年始移治鄆公堡焉雖平陽絳郡割屬無常然建置遷移源流足溯至寰宇記謂太平為唐城堯年十六封唐侯於此前人有辨之者存而不論可也

唐分九州在冀州之域古大夏之墟也堯始封於唐括地志在冀城縣西二十

里及為天子都平陽封實沈於大夏邑境在其封平陽西南九

十里凡一百載

虞肇十有二州分冀為幽并青為營在冀州之域舜都蒲坂邑境在東北三

太平縣志

卷一

輿地

百五十里凡四十八載

夏復九州左傳貢金九牧在冀州之域禹都安邑邑境在北二百里為禹

貢三百里納程地禹封彭姓於此為豕韋及孔甲時堯後有劉

累者以豢龍事孔甲賜氏御龍更豕韋後為唐侯既而遷於魯

縣豕韋復國凡四百三十九歲

商仍九州詩帝命式於九圍在冀州之域為豕韋氏國商末都耿國遷於

唐邑境在耿東百里唐西五十里凡六百四十四祀

周職方氏掌九州之圖在河內冀州唐有亂周公滅之遷其子孫

於唐為唐杜氏成王九年封叔虞於唐子燮父作宮晉水始改

國號曰晉八傳至穆侯徙絳因絳山絳水故名獻公八年使士蔿城聚

命曰絳賈逵所謂本晉聚邑九年使士蔿城絳深其宮水經注

城方二里晉始都絳即今古晉城也自獻而惠懷文襄靈成景共八

十五年霸業之盛實在此地至景公十五年以韓厥謀遷新田

此遂為故絳都自是歷厲悼平昭頃定出哀幽烈孝靜至魏趙

韓三分晉地邑境屬魏凡周及東周共八百九

秦分天下為三十六郡一為河東郡邑境屬焉秦末屬魏豹凡一百八

漢置十三部刺史不常所理河東郡隸司隸校尉部始置臨汾縣

太平縣志

卷一

輿地

二

於古晉城即故絳都博物志臨汾縣有賈鄉周賈伯邑邑為臨汾地前漢二百一十四

五年東漢一百九十六年魏分河東為平陽郡魏志正始八年夏五月分河東之汾北十縣為平陽郡邑屬平陽郡隸

司州凡四十六年

晉邑屬平陽郡隸司州凡五十六年

十六國劉淵陷平陽邑入漢一十五年石勒陷平陽邑入趙三十

滅趙邑入魏二年慕容恪滅魏邑入前燕十八年符堅滅燕邑入前

秦十四年慕容冲滅前秦邑入西燕四年慕容垂滅西燕邑入後燕

四共八年

年七年

元魏拓拔珪滅後燕邑屬魏太平真君四年置東雍州於臨汾故  
城置泰平關於京陵鎮七年析臨汾縣地於關南置泰平縣即

古城神麴元年為正平太和十一年置正平郡通志在今十八

年罷東雍州改置平陽郡邑屬焉凡一

北齊省臨汾入焉屬平陽郡隸晉州凡二十

北周避太祖宇文泰諱易為太平明帝始改東雍州為絳州治今

縣龍建德中復徙稷山玉壁邑仍屬平陽隸晉州凡二十

隋開皇初年改平陽郡為冀州邑屬之後改平陽郡為平河置臨

汾郡大業二年復改平陽郡改絳州為絳郡州治始自玉十年

太平縣志 卷一 輿地 三

移邑治於關東即今北割屬絳郡

唐分十道邑隸河東道貞觀七年徙治敬德堡即今凡二百八十九年

五代因唐制梁十一年唐十三年晉

宋太宗分十五路仁宗析十八路神宗析二十三路邑隸河東路

屬絳州熙寧五年廢慈州以鄉寧縣分隸焉凡一百六十七年

金宣宗興定三年置河東南路轉運使邑隸焉屬絳州凡一百

元大德九年改平陽路為晉寧路邑隸焉屬絳州蒙古四十年

明洪武二年改晉寧路為平陽府邑屬焉隸山西布政司二百七十七年

屬平陽府雍正二年改屬絳州七年仍屬平陽隸山西布政司

沿革地表

唐

虞

夏

商

冀州之域堯都平陽邑在平陽南

屬冀州舜都蒲坂邑在蒲東北

屬冀州禹都安邑邑在安邑北禹封彭祖之孫元哲於韋是謂豕韋

屬冀州為豕韋氏國商未都耿國遷於唐

周

東周

秦

漢

屬冀州成王九年封叔虞於唐都翼子燹父改晉穆侯始遷絳邑在晉西絳北

屬冀州為晉聚邑獻公八年使士蔿城聚命曰絳九年使城絳深其宮始都之

故絳都始皇分天下為三十六郡邑屬河東郡

於故絳都置臨汾縣屬河東郡

太平縣志

卷一

輿地

四

景公十五年遷於新田遂為故絳都即今所云晉城在縣南二十五里魏趙韓分晉地屬魏

東漢

魏

晉

十六國

臨汾縣屬河東郡

臨汾縣析河東分置平陽郡隸司州

臨汾縣屬平陽郡隸司州

臨汾縣劉淵陷平陽邑入漢石勒陷平陽邑入趙冉閔滅趙邑入魏慕容恪滅魏邑入前燕符堅滅前燕邑入前秦慕容冲滅

前秦邑入西燕  
慕容垂滅西燕  
邑入後燕

元魏

北齊

北周

隋

臨汾縣拓拔  
珽滅後燕邑

秦平縣省臨  
汾入焉屬平  
陽郡隸晉州

秦平縣避太  
祖宇文泰諱  
易為太平改

太平縣開皇間  
改平陽郡為冀  
州縣屬之又改

屬魏太平真  
君四年置東

東雍州為絳

州徙治聞喜

平陽郡為平河

雍州於臨汾  
故城置泰平

龍頭城邑屬

平陽郡隸晉

郡大業初置臨

關於京陵鎮  
七年置泰平

復改平陽郡改

絳州為絳郡縣

移於太平關東

縣於關南析  
臨汾縣地為

割屬絳郡

南泰平西泰  
平西泰平屬

太平縣志

卷一

輿地

五

龍門郡南泰  
平改為正平

屬正平郡太  
和十八年復

置臨汾縣罷  
東雍州改置

平陽郡隸晉  
州邑屬之

唐

五代

宋

金

蒙古

太平縣屬絳  
郡隸河東道

太平縣屬晉  
州唐天祐四  
年入後梁梁

太平縣屬絳  
州隸河東路

太平縣屬絳州  
隸河東南路

貞觀七年移  
縣敬德堡

貞明六年入  
後唐唐清泰

興定三年靳和  
以所部歸蒙古

遂分澮水為界  
南屬金北屬蒙

三年入後晉

言開運四年

古

人後漢漢乾

周 祐三年入後

元 明

太平縣屬絳 太平縣屬平  
州大德九年 陽府隸山西  
以地震罷絳 布政司屬河  
州為邑屬平 東道  
陽路改隸晉  
寧路

國朝

太平縣屬平  
陽府雍正二  
年改屬絳州  
七年仍屬平  
陽府隸山西  
布政司

太平縣志

卷一

輿地

六

按太平沿革其要有三一為晉城舊基考晉穆侯始都於絳

詩譜都因絳山得名蓋絳山東高西下獨受夕陽為絳色凍

水出絳山古亦名絳水故名絳當在今絳史記晉獻公八年

城聚命曰絳九年始都絳左傳士為城絳深其宮水經注北

聚邑在今縣南二十五里故址猶存所謂晉城也曲沃志太

邑獻公都此始命曰絳西去九原山八里東去汾水十五里

合以汎舟之役當在此地歷惠懷文襄靈成景八君俱都此

查太平現在古蹟如荀息董狐趙盾韓厥公孫杵臼程嬰

諸人多有祠墓可考俱屬八君時人遷新田後無聞焉 至  
景公十五年遷於新田韓獻子謂有汾澮以流其惡在今曲沃侯馬



地是穆侯所都為古絳獻公所城為故絳景公所遷為新絳

而或乃指聚為今絳縣南車箱城又以晉城為聚邑而非故

絳都與左傳史記不合一為臨汾故城漢初置臨汾縣於古

晉城即故絳都歷東漢魏晉十六國俱名臨汾今鄉甯絳州稷山諸邑皆在其地

至元魏始改為泰平因北建泰平關故得名又改稱南泰平又改正平

皆未久即廢惟北周易泰為太歷隋唐五代宋金元明俱稱

太平絳州志載晉城在州城東北二十五里漢臨汾縣地今在太平界內是今之臨汾為古平

陽古之臨汾在今太平不必疑今附郭之臨汾矣一為歷代

統屬周以上無論已秦漢屬河東郡自魏析河東置平陽郡

太平縣志

卷一

輿地

歷晉十六國元魏北齊北周俱屬平陽郡惟元魏置東雍州

於臨汾故城又改正平郡邑屬焉旋又罷東雍州北周改東雍州為絳

州徙治稷山之玉壁仍屬平陽郡隋改平陽郡為平河郡改絳州為絳

郡移縣治於關東屬絳郡歷唐宋金未改元屬絳州明屬平

陽府

國朝先屬平陽雍正二年改屬絳自七年由絳仍歸平陽士民安居

樂業守陶唐氏之遺風矣太平郡名東敬其文義難解意者魏為東雍州統平陽正平等郡在

邑治為規其大今治在敬德堡在邑治為據其實故取東雍州敬德堡各一字合為郡名歟

山川

禹貢九州皆表以山川太平隸冀州姑射峙於西汾水遶其東鄭夾滌所謂山川之形千古不易也修祀事爲民祈福非守土者之責與

姑射山在縣西十五里自北而南亘抱邑境中有樵夫遇仙人圍碁爛柯處碁石並足跡存焉述征記堯巡登姑射山五老志臨汾有姑射山通典暨唐志胥同路史姑射山在臨汾廣固北酈道元云姑射山卽尙書之壺口山

按府志姑射山在城西三十五里近山諸邑志皆載焉如汾

太平縣志

卷一

輿地

西之青山臨汾之九孔平山襄陵之三磴非其別名卽其支也其與霍嶽雷首龍門砥柱同爲一郡之瞻明矣乃俱引莊子藐姑射之山有神人焉爲據至神居洞神人洞顯然并列且以莊子肌膚若冰雪綽約如處子遂有謂藐姑仙子者噫亦誕甚矣查山海經海內北經列姑射在海河洲中姑射國在海中屬列姑射西南山環之郭景純註列姑射山名也山有神人河洲在海中河中所經者莊子所謂藐姑射之山也璞聞喜人豈不知河東有姑射而顧歸之海中哉夫姑射在茲地蜿蜒數百里峙郡城之西巍巒疊嶂晴暉雨景曉翠如

黛晚紫成霞其勝何窮而必藉南華之寓言以標奇竊恐巖巖我我者且笑人之無知也酈道元曰東海方丈亦有崑崙之稱西洲銅柱又有九府之治同名異域稱謂相亂亦不爲寡則茲山自爲姑射而不必與海中之山爭神居之名也且所謂藐者遠也非山名也何乃相襲而不考歟此出雍正乙巳志考辨甚精足破各志之誤總之此山爲姑射莊子多俶詭亦不必問所指也○按山在縣治西北十五里許實姑射之支峰也嶙峋壁立高可數十百丈峰半爲石梯闕其後高低五峰名五龍頭又西北行里許前隘後敞爲平敞卧峰數里閒宛具騰翔飛舞之勢蜿蜒至石梯闕爲邑治出脈之所

九原山在縣西南二十五里晉大夫墓地也禮記檀弓趙文子與

太平縣志

卷一

輿地

叔譽觀乎九原曰我則隨武子乎利其君不忘其身謀其身不遺其友晉人謂文子知人夫九原之廣可以畝數其高可以仞計初無所謂杳峯邃谷而以文子數言其名歷千百年不泯信乎賢者之生山川且賴之而况其他乎今其上爲百社廟或曰百祀居近各堡與絳州鄰村共以時祀之

汾陰山舊志作汾陽山從通志易今名在縣南十里當自秦蜀經絳州而來孔道東西綿亘幾三十里高五里勝國時草木蒼如行人戒心迨芟柞既盡四望彌曠晨昏出塗益滋惴恐萬厯中知縣侯於魯乃築室募民立鎮其上命曰清儲出鎮南里許步

其椒晉國故城近在趾下星村碁舍俱可指數南望汾河五十里許如匹練西瞰馬頭九原兩峯宛然列掌東南如曲沃所稱橋山紫金山雲外峯尖隱見如寫亦可謂踞乎上游者矣其東臯爲禹神廟廟後有塔眺之勢如湧出堪輿家以爲太平之文筆也康熙十六年邑人張問政李足發王奕曾鳩建

巴山在縣東二十五里汾水之西高十丈有奇蘆葦懸生蔓延數丈歷冬不凋望之葳蕤鬱葱如藤蘿然

東陘山在縣東四十里爲太行之支南接曲翼北連襄汾水經註天井水出東陘山西南北有長嶺嶺東西有通道卽鉞磴也

太平縣志

卷一

輿地

三

照望峯在姑射山之巔夜深猶見日色北有神仙洞南有勝水泉曹可受募建神廟其上倚門東眺汾水外百里烟村草樹如在眉睫之間

蓋塔峯在縣西十五里俗名蓋塔堡由姑射山蜿蜒而南矗立一峯勢極高聳峯頂十餘畝上建人祖廟門外樹二株大可兩圍形甚奇古俗不知其名以樹榦色白多礪砢形類鮑魚卽名之其東北一峯更峻而秀上建陀郎廟山麓諸莊歲於清明日祀之

安兒坡在縣西北二十里卽龍腦峯俗傳爲晉公孫杵臼藏趙孤

見處

清涼洞在縣西二十里離城十餘里卽山行率石逕可五六里峻者立矢曲者折竹比比而是將至洞途益細盤廻而入蓋幾在姑射之半矣洞踞西東面石丁前張後矮深可數十武窅衍幽宥土人因爲門櫺如廟宇狀塑像甚夥丁之內南入有洞上下皆石忽突忽凹持燈走里許猶弗窮其所止而空亦漸狹足亦欹側難於步雖盛暑如深秋意清涼之名以此歲旱邑令禱雨卽應或云宋南渡時賈岡人王道源仙化地後人因作洞名清濂

太平縣志

卷一

輿地

四

桃花洞在縣西北二十五里盤道村洞口桃一株出自石中其花先放穠艷異常一名鹿女洞呂陽詩鹿女已從塵外去蓮花猶傍洞前開同治九年知縣章壽嵩重修

混元洞在縣西二十五里出邑西門十五里入霸王峪山行十里紆迴而上古栢森植千百株膏腴村人建祠其上洞深可數十步歲旱禱雨輒應太史臧爾心題曰別有天地生員劉宣裴讀書祠中春咏有句云翠栢青青空谷裏梨花淡淡白雲間

留雲洞縣東南十二里西毛溝聯云遠挹千峯翠平吞一水清家姑洞在縣西二里昔家氏女修行於此

慈航洞在縣西門外

太和洞在縣西南十五里

汾水在縣東二十五里自襄陵來至史村西入邑境南流石底碍  
舟雍正八年開引河於西裏百二十丈後河水自流石上不入  
引河人以爲神遂仍由故道流逕二十里至官灘庄入曲沃界  
五十餘里至西吉庄入絳州界按山海經非次二經之首在河  
之東其首枕汾其名曰管涔之山其上無木而多草其下多玉  
汾水出焉而西流注於河又海內東經汾水出上窳北而西南  
注河入皮氏南平陽府志汾水在城西二里源出太原府靜樂

太平縣志

卷一

輿地

五

縣有二一在管涔山天池一在林溪山龍眼泉至支鍋石村合  
流至宣化所五里禹之孫昌寧公所定名定河至縣西南流經  
樓煩鎮歷交城陽曲太原清源文水祁縣平遙介休孝義靈石  
霍州汾西趙城洪洞臨汾襄陵太平至絳州東繞南門西流過  
稷山河津滎河入於河秦之皮氏今之河津也桑欽水經汾水  
又南過臨汾縣東太平在漢固臨汾縣也

天井水出東陘山西南入汾

龍谷水在縣南三十里南柴村南泰山廟溝流經絳之龍谷村入  
汾左傳龍見絳郊卽此

水利

古有井田而溝洫川澮以制今惟資源泉以灌溉焉太平諸泉通塞無常其利甚細惟西北澗汧當雷雨時發閘水灌田利為較大云

豁都峪在縣西北三十里侯村地界東狼尾山屬盧戶西崔家山屬崔戶渠始開於金皇統四年上汧灌東侯西侯地蒲峪攔閘下汧由盧戶狼尾山自北而南西至上汧滾堰東與狼尾山尾齊有康熙八年古圖碑跡垂立公堂灌東侯吉村姚村吳村關村常村東安平南安平北姚古城鄧村董村柴王申村共十四

太平縣志

卷一

輿地

村地其由渠而使水者有高原汧老灘汧古城汧中原汧常村

汧灌六村地餘水入汾

侯姚渠下汧之東常村汧乾隆三十三年被大水冲壞五十餘年点水不入至道光二年監生戴萬選監生戴宜南自備資斧協力監修不辭勞瘁二年告成立有渠規村人咸嘉賴焉

尉嵒峪渠在縣西北十五里尉村北開自金皇統四年上汧灌尉

村地蒲峪攔閘下汧灌尉村盤道西北中黃焦彭安平三公村南北膏腴程嬰村良陌南中黃孝村曹路相李站里餘水入汾

大柴峪渠在縣西八里膏腴村西水微灌地無多然峪深山峻值大雨時水勢奔騰土人因名為霸王峪

煤峪渠在縣西二十里賈岡西水頗微灌田無多

按舊志諸峪之水皆從姑射山出夏秋之間大雨泛漲灌田者資之謂之雷鳴水然利在則爭連阡共陌之衆至有操戈相向者惟巖定其受水之數輪轉從公則庶幾較若畫一不至以養人者害人也

靈景泉在縣東北二十五里景毛村一名玉泉溉四村田景毛四日南高二日北高四日西郭三日此水至西郭村南潛流地中村東復見入於汾

靈源泉在縣東北三十五里陳郭村西南明嘉靖二十一年爲澗水所墊

太平縣志

卷一

輿地

二

國朝康熙六年居民陳一經陳爰陞陳元魁陳孟道等尋故道開之十年知縣何煒然相地度工其泉突溢利滋溥矣後又爲山水所決出沒無定處

白波泉在縣東南二十五里永固村

清水泉在縣西門外北周圍一畝二分灌田者以桔槔取之其地宜蘆葦遶流過城南關而東明知縣鄒學書奉檄興水利置水車七具灌地二千餘畝

國朝乾隆元年知縣張若空淘地疏泉水頗微今塞

古興泉在縣城西府君廟下



勝水泉在縣西北二十五里照望峯下澄澈似鑑

神泉在縣東三十里柴莊南二里許距汾水百餘步柴莊有登科入仕者則泉水與汾水合流兆無不應遂稱神泉云

白公渠在縣南二十五里南王村至趙康南王村地勢卑下康熙年間秋霖逾月西北之水滙於莊北民田被淹數千畝知縣白九蛟相度地勢開渠引水由趙康歸龍谷水溝民食其利立祠肖像祀之後渠湮沒

焦村泉在縣西南十五里焦村西北太和洞傍相傳獻公都晉時引水入城後塞明嘉靖年間知縣耿儒欲開之未果

太平縣志

卷一

輿地

三

國朝康熙七年知縣綏酉生開之卒無功乾隆二十年泉水自溢流二里後又微咸豐十年大水冲開泉源復溢流二里許

彭村泉在縣東南五里彭村溝邊蘆葦叢生村人利賴之

南固縣泉在城東十五里其南南賈新湧泉舊有蘆葦再先蓮池

有防涉橋臨汾橋

臨汾見乙巳志

又其南張坦泉西南東毛泉俱有橋

自固縣至此流衍十數里屢伏屢見若斷若續名曰綿泉

達於汾

下尉泉在縣東二十五里下尉村西北流其地有葦又村之西南泉益空湧東注收灌溉之利下流有地一區號滲泉秋冬田不用水滙入此地則滲之故名

定水泉在大張村南東流過通濟橋至連峪下有定水潭旁生蘆葦

太平縣志

卷一

輿地

四

形勢

形勢者據邑內所見之山川而總其脈絡分其支流以紀一方之勝概也夫東襟汾水西枕姑峰登臨者每稱道之若其中起伏曲折分合向背即地理之孕毓徵人文之蔚起殆有未易明言者嘗閱通志舊例頗詳此義爰祖其意略為登記焉

石梯關邑之少祖山也

乾隆三十七年縣民於關後開設碗窑歲因缺雨河東道葉憲飭令別移未逾浹旬

甘霖輒沛今三公膏腴兩村尚有邑侯張封密得雨碑記

嶽峰俗名據縣治上游而實來脈

之起頂處也

有分脈處南下則專注禹嶺東下則衍結巴嶺

汾陰山為縣治文案而實

太平縣志

卷一

輿地

一

來脈之開帳處也

東皋為禹嶺西行至盡處出焦村泉

東陘山係太行支脈九原

山是絳郡後靠而實縣治之橫截脈也山麓村莊多隸邑境職

是故耳

禹嶺

上建廟禹廟

突起阜巒與嶽峰有回顧之意

地理書所謂回顧祖者是也廟後建浮屠

屠舊志以為闔邑文筆戶族蕃衍道光八年社人因演戲啟釁中分戲臺有數紅蛇伏地而逝嗣是文風頓減戶口亦稀人事之關乎地理詎不信歟迤邐而西勢若張拱南下之脈

俱融結於晉城左右

西南有白公渠交會東南有龍谷水蔭護

中閒村堡基置皆其

流行而布濩者

巴嶺

上建金火聖母廟

自北而南圍抱縣城與嶽峰有拱揖之狀

東有汾水環繞

西有綿泉泉匯歸縣東一帶村堡皆其盤互而融結者

照望峰踞姑射之巔其開面處土星帶金氣體尊嚴脈或中穿或側出迂行至汾水西岸與巴山隱隱接連尉厓峪以北豁都峪以南之村堡皆其一氣所鎔鑄者

蓋塔峰特然高聳自成一體脈雖單出仍隱隱與汾陰山接連大柴峪以南煤峪澗以北之村堡皆其餘氣所貫注者

巴嶺西南穿田渡水另起巒頭衍結平岡

北有東毛泉南有永固泉

與禹嶺若

斷若續實來脈之關鎖處也禹嶺東南之村堡多由此發脈

物產

何地無產而珍物與常物異何產非物而有用與無用異太  
平地少閒曠所產皆民生不可缺之物物既有用則常亦珍  
也隸斯土者尙其愛養樽節庶取不盡而用不竭與

穀屬

稷 一名稌關西謂之糜冀北謂之糜詩惟糜惟  
芭糜卽糜音之轉也爾雅翼稷者五穀之長

黍 苗穗似稷有黃白赤黑四種皆可釀酒李時珍曰稷  
黍一類二種粘者爲黍不粘者爲稷今俗通呼爲黍

梁 今通名穀脫殼則爲粟米亦曰小米李時珍曰今之粟古但  
呼爲梁漢以後始以穗大而毛長粒粗者爲梁穗小而毛短  
粒細者爲粟故唐子詵本草言  
人不識粟而近世皆不識梁也

太平縣志

卷一

輿地

一

秫 稷之粘者爾雅釋草衆秫疏衆一  
名秫有黃黑紅三種皆可釀酒

麥 有大麥小麥二種大麥有露仁不  
露仁諸種小麥有火麥紅白諸麥

蕎麥 本名苳莖赤花白粒似  
牽牛子有紅黑斑諸種

高粱 一名蜀黍又名蜀秫以種來自  
蜀故名有紅黑黃白蓬頭諸種

豆 卽菽其種甚多有赤黑黃  
白青菘豌豆菹小諸種

芝麻 有白黑二種李時珍曰白麻  
油秋開白花亦有紫艷者

大麻 色蒼而圓  
可榨油

油菜 黃花子可榨油秋  
種夏收利與麥同

蔬屬

芹 水菜也今畦種之  
氣芬味脆莖有稜

菘 菜名卑雅菘性隆冬不彫四時常見有松之  
操故其字會意爾雅翼芥似菘俗名白菜

白菜 莖潤而長者為杓白莖圓而長者為箭筍  
白莖潤而短者為蓮花白並淹藏以禦冬

韭 說文云一種而久曰韭其子搗汁止噎歲  
可五剪石屋厓有山韭係別種而味頗美

蒜 味辣田野小者名老鴉  
蒜園畦大者名葫蒜

芥 種類頗多土產惟花芥一種味  
幸似菘而有毛莖根俱可淹茹

莧 有紅白紫三種易曰莧陸列  
子云老韭為莧食驚者忌之

菠薐 出自頗陵國訛為菠  
菘俗號為赤根菜

蒿苳 一名千金菜清異錄尚國使者來漢隨人求  
得菜種酬之甚厚故名又一種高者名蒿笋

太平縣志

卷一

輿地

莫 出汾濱魏風彼汾  
沮茹言采其莫

護 有三種花瓣單色黃者  
可作蔬食俗名金鍼

蘿葡 凡三種一根白莖赤一莖根俱赤一細  
長而脆能破氣解麪毒故又名曰來服

胡蘿葡 葉似芫荽有芒根  
長而殺赤黃二種

蔓菁 一名燕菁一名諸葛菜根莖俱可食  
邑人賴以代糧所謂菜不熟曰饑

扁豆角 扁潤長一二寸許  
一種稍狹而肉厚

菜豆角 細而長有龍爪羅  
裙帶葉裡藏數種

葦蘆 一名滴露其根  
連珠而生味脆

蒼蓬 多食  
洩氣

山藥 一名薯蕷

壁藍 俗名大頭菜可淹茹

芫荽 似芹差小夏種秋收

茼蒿 氣香味美葉似蒿

茄 紫白二種葉根俱從其色

葱 外直中空有蔥通之象

薤 似韭而味辣其露易晞

薑 禦濕之菜辛而不葷食之通神明去穢惡

果屬

太平縣志

卷一

輿地

三

柿 種類不一東西隣山諸村最多可釀酒

柰 俗名紅果又名沙果即所謂文官果也

葡萄 有白黑酸甜數種張騫得之西域

蘋果 俗名平果音之轉也即蘋婆果

石榴 來自安石國有酸甜二種

棗 有晉棗之名故食而齒黃舊志太平宜棗其樹盈野居人有半年糧之謠又一種黑色類小柿名羊矢棗

桃 易生移其土乃佳

李 其味酸東方之果品貴於桃

杏 似梅埤雅云北人不辨梅杏

梨 花白本草云能下痰

櫻桃 埤雅一名荆桃一名含桃許慎曰以嬰之所含食故名

梅杏 味酸伏肉接枝易生

林檎 花紅而氣極香似沙果而小

瓜屬

西瓜 五代時邵陽令胡嶠征回紇得此種歸故名性惡香麝氣觸之即隕

南瓜 形圓有瓣忌同羊肉食

北瓜 圓大有瓣可作羹

黃瓜 青白黃三色俗以月令王瓜生即此殊誤本草辨之其說甚詳

太平縣志

卷一

輿地

四

甜瓜 性寒味甘多食成痢

絲瓜 長至三四尺其穰如絲

菜瓜 青白黃三種似黃瓜而差長可作菹

壺 甘者作羹苦者可浮水古云中流失楫一壺千金

匏 匏瓜也瓜屬壳可為笙竽

冬瓜 二月種八九月間結實可作羹襍芥屑調菹

酥瓜 黃白色味淡似壺而短

脆瓜 似甜瓜而稍長味酢

木瓜 味甘酸入藥和風又善療轉筋呼其名及書土作木瓜字皆愈



金瓜 色黃如金俗名劉全瓜

香瓜 色黃大如鷺蛋味香異常

木屬

桑 二種一日樹桑一日條桑

栢 枝匾者曰匾栢刺者曰刺栢

楊 葉大而青者曰青楊葉小而白者曰白楊

樗 數種葉密而臭莢名鳳眼

椿 葉香可食

榆 二種山榆材堅白榆材脆

太平縣志

卷一

輿地

五

梓 說文楸也陸機草木疏楸之疏理白色而生子者

楮 皮可作紙

松 葉似針而氣香所結子食可延年

槐 虛星之精博物志曰槐木生丹不復彫也言堅也

檜 栢葉松身性耐寒可作舟

樞 其針刺如栢其葉如榆淪為茹美滑於白榆

栲 葉如櫟皮厚數寸可為車輻

桐 柔木也其心虛月令云桐始華

梧 其子可食

楸 美材也 埤雅云 山居千章之楸  
董子曰 木名 三時草命一歲

柳 柔脆易生 雖倒植之亦生 有垂絲 詩曰  
苑彼柳絲是也 又有杞柳可為栝棗

檉 卽三春柳也 爾雅翼 葉細如絲 婀娜可愛 天將  
雨 檉先起氣以應之 故一名雨師 而字從聖

皂莢 材宜作馬槽  
莢能去垢

椒 似茱萸 有針刺 葉堅而  
滑澤 其實味辛而香烈

冬青 一名凍青 卽所  
謂萬年枝者

竹 廣志曰 雲母竹 大竹  
也 籬竹 細而多刺也

花屬

牡丹 有千葉 有單葉  
花之富貴者

太平縣志

卷一

輿地

芍藥 一名將離 又名婪尾 春婪尾乃  
最後之 孟芍藥 殿春 故有是名

海棠 有貼幹垂絲 諸  
種 又有秋海棠

木槿 似李 五月花如葵 朝生夕殞 一名  
舜花 紫白二色 月令云 木槿榮

迎春 狀如瑞香花  
黃色不結實

丁香 二三月花開 紫白色 至七月方始  
成實 小者為丁香 大者為母丁香

水紅花 葉圓  
花穗

紫荊 花紫  
氣芬

葵花 紫白二種 心隨日光所轉 輒低覆其根 孔子曰 禾生垂穗  
向根 不忘本也 爾雅云 終葵 繁露左傳曰 葵猶能衛其足  
埤雅云 向根仁 也 衛足知也

月季 二色每  
月一綻

玫瑰 花二色甚香糖  
漬之為餅佳

金盞 叢生葉長而狹  
花黃如金故名

玉簪 一名鶴葉秋始花未開  
時如簪搗根汁可化骨

夜合 一名合歡亦名合昏五月  
花發紅白色瓣上若絲茸

蓮花 白紅二色東張莊  
杏圃有並頭蓮

雞冠 紅白二色質似雞冠花發莖端高數  
尺其子黑小本草云焙乾能止瀉

鳳仙 俗名指甲草花史李玉英  
秋日搗鳳仙花染指甲

石竹 多色子  
名瞿麥

太平縣志

卷一

輿地

山丹 花小  
紅

欵冬 卽枇杷花傳咸賦云  
維茲嘉卉欵冬而生

萱花 忘憂草一名鹿葱風土  
記云姪婦佩其花生男

剪秋羅 羣芳譜六出周迴  
如剪茸茸可愛

蜀葵 有千層單層  
各色不一

菊 月令九月  
菊有黃花

旋覆花 卽夏  
菊

草屬

苜蓿 馬所甘也養牲家  
賴之一歲凡三剪

蘆葦 卽蒹葭也  
可織蓆

荻 莖堅可  
作箔

蓬 末大於本善轉商子曰  
蓬遇飄風而行千里

茅 用之以藉  
亦以縮酒

莎 一名侯莎說文蒿  
侯也根名香附子

艾 蕭也一名冰臺博物志削冰令圓舉  
以向日以艾承其影得火故號冰臺

蒿 春時各有種名至  
秋老成通呼爲蒿

馬蘭 紫花角  
三稜

藥屬

太平縣志

卷一

輿地

牽牛 味苦寒有毒黑者  
屬水白者屬金

枸杞 一名仙人杖根名地骨皮味寒  
無毒但有刺不如甘州者佳

荆芥 味辛能清頭  
目表汗祛風

防風 甘溫能  
除頭暈

遠志 苗曰小草根曰遠志  
安神鎮心令人多記

車前 大葉長穗好生道旁韓嬰曰直曰車前瞿曰芎苢神  
仙服食法曰車前子實雷之精也善療孕婦難產

兔絲子 黃如金絲無葉托  
根蒿藜性溫能補

益母草 葉似萑方莖白華華  
生節間一名茺蔚

薄荷 味涼  
治風

蒿陳 除濕清熱 卽白蒿也

葶藶 多生麥 中夏熟

蒺藜 布地蔓生子有三角 療瘡癩白癩等症

毛屬

牛 土畜也 其性順

馬 火畜也 其性健

騾 驢父馬母者大馬父驢母者小原名駮今俗名騾

驢 以夜半鳴

豕 水畜也性趨下 每俯首喜卑穢

太平縣志

卷一

輿地

九

羊 兌為羊其性善羣

狐 多疑能聽冰

貓 陰類旦暮日精皆伺至午則如線其鼻端常冷惟夏正一日暖

狼 善顧能搏人

犬 金畜也善驚止 禦其性前趨

獾 獸之智者也出穴以豨 先導為曲穴以避雨場

兔 獸之狡者也口有缺 尻有九孔生子吐

鼠 多種黃色者 味佳可食

羽屬

鷄 一名德禽 一名翰音  
記曰鷄肥則音高

鴨 一名鶩 不能  
哺子 鷄代之

鵓 善擊

鵝 二種有鴈鵝 色班類鴈有  
白鵝味美食之則發眼疾

鴉 小而腹下  
白不反哺

烏 孝鳥也 純  
黑反哺

老鴉 甚壽語曰倒三松始倒一  
鼠倒三鼠始倒一老鴉

鴿 合也 其性易合 一名飛  
奴一月一生其種甚多

鴉 卑雅性純 惹不越橫  
草無常居而有長匹

太平縣志

卷一

輿地

十

鷺 鳥衣俗  
呼為鷺

斑鳩 每春秋分則  
隨時而化

啄木兒 口如錐 啄  
木取蠹

戴勝 頭上毛花成勝 月令云戴勝  
降於桑女工興而戴勝鳴

夏鷄 夏至即鳴 歐陽修詩綠窻  
鶉鷄催天明註夏鷄也

鵲 黑白文不淫  
其匹能知風

鶯 其鳴以春 一名倉  
庚應節趨時之鳥

鴟 惡鳥 鳴  
以秋

雀 頭如顰 蒜目如  
掌 椒四時有子

杜鵑 立夏後仰鳴  
血出不止

鳶 善搏鳴則風生記曰  
前有塵埃則載鳴鳶

虫屬

蠶 陽物淮南子曰蠶食而不飲  
惡濕蠶書曰飼蠶勿用濕物

蜉蝣 似天牛而小  
朝生暮殞

螳螂 有斧虫也莊子謂螳螂之  
怒臂以當車轍生子以百

寒蟬 有數種螿蛄紫五月鳴蛸蝶  
青七月鳴寒蟬黑九十月鳴

蚯蚓 土精也其為物  
不息引而後伸

果蠃 土蜂好禁蜘蛛即今細  
腰說文細腰雄無子

太平縣志

卷一

輿地

蜻蜒 飲露六足四  
翼多集水上

蚊 生水  
池邊

蟋蟀 秋虫一名促織里語  
曰促織鳴嬾婦驚

守宮 一名蝮蜒以朱砂飼之其體盡赤搗之  
萬杵以點女人終身不滅有偶則落

蚺虻 屈伸虫也蚺虻  
賦曰龍伸虻屈

蝙蝠 夜飛一  
名仙鼠

蝦蟆 生水  
中子名蝌蚪

蝴蝶 色不一  
多偶飛

蜂 有青紅土  
蜜諸名目

蠍 螫蟲陸德明曰長尾為蠍短尾為蠍

鱗屬

鯉 魚王無大小脊旁鱗皆三十有六有赤白黃三種

鯽 似鯉色黑體促腹大脊隆

鱣 似蛇無鱗口在領下色不一白者為佳

鮎 別名鯁偃額兩目上陳口方頭大尾小身滑無鱗

金魚 色黃似金人每以磁缸養之

介屬

螺 蚌屬大者如斗可為酒杯

太平縣志

卷一

輿地

三

鼈 無耳以目聽穹脊連脊水居陸生

蚌 蚌屬珠胎與月虧全

蛤 似蚌而圓月令雀入大水為蛤

螃 八跪二螯爪行殼上多作十二點深胭脂色如鯉之三十六鱗其腹中虛實亦應月

貨屬

布 說文枲織也

麻 本草雄者名枲麻牡麻雌者為苴麻苾麻

木炭 月令草木黃落乃伐薪為炭

石炭 性燃起焰一種氣臭無焰俗名乾炭



蜜甘飴也蜂采花液釀之其形似山

黃蠟蜜之  
蹠也

太平縣志

卷一

輿地

三

